

CC3.5B.41  
42  
ep=0129

99785

1-9

序  
姓氏  
凡例  
目錄

全  
縣  
疆  
域  
圖

沿  
山  
脈  
表

水  
系  
圖

交  
通  
圖

農  
礦  
物  
產  
圖

事  
記

文  
志

天  
大

經  
緯  
星  
象  
氣  
候

民國昭通縣志稿

卷首

民國昭通縣志序

清雲貴總督鄂爾泰昭通四門記稱四境所達東至於鎮雄故名其門曰撫鎮西至於東川西北至於四川故名其門曰濟川南至於威甯故名其門曰救寧北至於馬湖故名其門曰趣馬趣之爲言趨也周禮有趣馬之官周書謂趣馬小尹小雅所謂蹶維趣馬是已昭通古號烏蒙產善馬與大宛等趣馬之名以此由鄂記觀之其爲滇中大郡蓋彰彰矣考舊志昭通在明爲軍民府向隸四川及清雍正五年始改歸雲南設知府一領州縣五一百餘年間文物聲明之盛燦然與中州比隆何前者壅晦之久而後者開發之速也意者地望

昭通縣志稿

序

昭通新民書局印

之通塞無亦各有其時歟昭通有志始於乾隆中邑人馬洲未及鋟板稿隨散佚光緒間李開仁纂府志亦未成書民國初元改府爲縣始以舊時首縣之恩安改名昭通至十一年邑中官紳遂成縣志十卷梓而行之越十三年今縣長盧君金錫屬邑人楊君履乾包君鳴泉復編爲九卷名曰民國昭通縣志明其別於前志也稿成囑爲之序雲忝主滇政未獲與邑之官紳上下其議論以緒正其條理今閱此稿新舊釐然首尾銜接可備數十年來掌故諸君子網羅放失之功足嘉已夫物鬱久者必發而天道後起者尤勝昭通前受制四川之下鞭長莫及聲教寂然一旦抉其藩而啟其鍵勃然

若江河雲雨之浩淼蒸騰而莫之能遏繼自今發揮而光大  
之其爲進化正未有艾是在後之有司與邦人諸友之致力  
何如耳

邑人龍 雲謹序

民 國 二 十 五 年 一 月 吉 日

昭通縣志稿



序

昭通新民書局印

民國昭通縣志稿序

昔孔子言夏殷之禮致慨於杞宋之不足徵以文獻不足故也是則文獻之繫人家國不綦重哉昭通自清雍正八年改土歸流以還不特軍事爲東防重鎮即政治文化經濟亦爲東防中心文獻攸關縣志尙矣考昭通之有縣志始於乾隆四十年倡之者郡守汪丙謙主纂者郡紳馬洲惜未刊行後遂散失嗣光緒十三年郡紳李開仁乘修省志之便編昭通府志亦未刊行書仍散失文獻不足識者惋惜民國十一年知縣事符廷銓以縣志之有關地方文獻毅然籌款從事編輯歷時一稔縣志幸獲告成然起自古昔截至宣統民元而

昭通縣志稿

序

昭通新民書局印

後未嘗涉及夫民國肇建迄今二十餘年矣苟不續修他日時過境遷採訪莫由是亦一憾事也前縣長李文林有見及此乃倡議續修旅長安公復力予贊助籌款之外更由地方紳耆推舉楊履乾包鳴泉任編輯胡祥樾李嘉珉姜思孝任評議黽勉從事不敢告勞開始於民國二十三年七月至翌年之三月民國昭通縣志殺青都二十四卷圖表悉備適余來守是邦得披閱全稿因之重有感焉時至今日國體政體俱已變更且值國難最嚴重期間當喚醒民衆團結民衆同心同德禦侮圖存舉凡官紳民衆人人均應肩挽救國家復興民族之責不容任何人諉卸任何人亦莫能諉卸所謂天

下興亡匹夫有責是也吾人試披閱斯志見宦績之煌煌應求繼其遺愛觀鄉賢之比比應求嗣其芳躅交通未便宜發展之教育未廣宜普及之農業未進宜改良之商務未繁宜振興之他若種族之宜求平等宗教之宜予自由工藝之宜求精進財政之宜求充裕皆吾人分內事而志之所書亦皆吾人之殷鑒反求諸已責無旁貸鑒前賢之得接踵邁進懲前人之失改絃更張共同努力繼續奮鬪則地方一切自日起有功庶不負修志之盛舉若斯志之成僅以之實掌故助談資充典實佐文墨漠焉無所動於中則又安貴乎有文獻爲哉願與我邦人君子共勉焉

### 昭通縣志稿

序

昭通新民書局印

大中華民國二十四年五月卅國恥紀念日貴定廸身盧金錫  
序於昭通縣政府